

悅
親
樓
詩
集

悅親樓詩集卷二十三

辛亥上

海寧祝德麟止堂

古今體詩五十九首

人日探梅絕無消息

年年京國憶梅花只道還鄉眼福奢豈料風光到人日
依然冰雪似天涯墊巾偶訪棲禪地扶屐閒過賣酒家
南北枝頭斷消息且聽檐角噪晴鴉

遷紅梅

并引

甲午冬植二梅於葆光之庭一紅一綠萼相去數
尺迄今閱十八年綠萼疎影橫斜繁花亂插殆有
拂雲之勢紅者把握如故無尺寸增長豈天有以

厄之耶抑強弱相陵雖絕清至貴之品有所不免
也爰遷之西院而作是詩

十春不返梅花廳夢中花徑千回經遙憶當年手植樹
朱朱白白橫空庭本期岳湛照雙璧倚玉寧有蕪葭青
今朝巡檐待索笑到眼榮悴偏相形一株萬藥高張王
一株孤幹羸伶仃尊卑俯仰若橋梓參差迴避如尹邢
似被強鄰夙欺壓自甘退縮同囚圉或因頽顏近桃杏
不與素面爭娉婷閱年二十尙稚幼同此寸壤分頑靈
我來繞樹三太息此意未必關蒼冥移栽別院冀晚遂
扶持在我非調停無私雨露任滋沐讓他綠萼繁星星

婁河渡海

東南水浮天澤藪納萬派洪波互吞吐數州各襟帶坎
流猶未足大海環其界蓬瀛不難到好趁片帆快孤篷
宿婁河弱纜恃營蒹潮聲鳴枕席雨脚森矛鏃陰陰癡
雲屯獵獵寧颺噫此行將安適興已盡訪戴陵晨忽開
霽登船遂擊汰望洋試縱目杳不知所屆高帆揭巨桅
旗尾揚旆旆我行欲向坤風來偏自兌榜人誇利捷智
出飛廉外能使面面風不怕石尤背浪頭尋丈立船底
相舂碓騰擲一梭拋嚦嚦萬鼓搥舳舻戛側軀命信
老大海船呼掌舵者曰老大僮僕盡歐散坐臥半顛沛中流獨嘯
傲濯足弄澎湃天宇豁蔚藍隱現星斗挂其時日正中
雞鳴午潮退希微息百象恍惚生萬態余本湖海人繆

嬰虛網望南歸得放浪未了煙波債所歷江淮河胸中
無芥蒂恨不變春酒手持一杯醉茲游固涉險百里聞
鳴吠天公欲戲我故遣風濤搯崇明葦爾區島濱泊漚
沫檣竿列如槩烟樹明於畫灣頭卸蒲幅登岸轉生悔
雖免滅頂凶僥倖聖所戒

二月廿三日同雷峯琴柯虎邱觀玉蘭

虎邱玉蘭天下奇昔聞其名未見之相邀勝侶上岡嶺
入門但見蟠孤巖生公已往石猶在離立仍似聽經時
講臺莓蘚不暇拂賈勇那顧脚力疲靜觀齋頭一憑檻
僧房琪樹交檣檣一株孤聳可百尺萬朶翦出寒玻瓈
恍疑錢塘江岸立素車白馬紛奔馳又如泰山絕頂望

吳門匹練張襜褕甘后潔白任玉映楊妃肥重禁風吹
瓊卮圭瓚四羅列得非天帝觴瑤姬倘令元圃致十斛
鏤刻應費千工僇遊人攀折集萬指九牛曾未損毫釐
韶陽百物盡有分此樹獨占春工私但愁轉瞬風雨惡
點污良璧摧凝脂餘馨冷逼真娘墓麝片打落短簿祠
今宵月出過夜半明豔尤於黃昏宜便當攜酒對花飲
坐待蟾魄穿高枝將衰正盛堪歎息不見韓子悲辛夷
下山至花神廟小憩復過蔣氏園看殘梅

朗朗玉山行乍逢裴叔則鐵花巖頭一揮手蕊珠宮裏
空相憶雙飛蝴蝶知人意導引遊人出初地重樓疊閣
細路邊枝頭翠羽鳴關關冰魂宛轉未消歇片片欲落

猶流連世人但解玉蘭好到此誰來逞幽討獨餘吾輩
酸寒徒尙訪南枝眼未飽瓊葩風格俱難攀高下只在
骨月間不用對花強分別寺門落落橫蒼煙誰家園亭
望山麓古幹臨溪探不足迴舟衣袂亦生香無事更來
看修竹

卽席五首

老去心情百事灰藍橋今日遇春回不須更說天花落
消得東風酒一杯

牧之春恨足三生坐似無聊便有情細雨絲絲寒食近
海棠枝外聽啼鶯

轉軸撈弦別調翻盈盈嫋嫋最銷魂江州司馬何曾達

賺得青衫染淚痕

目笑眉愁遞酒波
厭厭長夜柰卿何
摩登伽自無神呪
不是阿難定力多

煙花淪落更誰哀
話到傷心淚滿腮
認取明朝波毳衲
有人持鉢院中來

雷峯邀同幕中諸友遊法華寺五十韻

吳興山水區到處可遊覽
我來已百日欲出冰霜慘
今朝風日暄
華紋皺滌淡畫舫可搖
良朋袂可摻
卞峯繞城郭
雨歇翠螺染湖窮
限杠梁山豁露鋒
斂野田蟠細路
窘步自尋檢
油菜聚黃團
緋桃散紅糝
漸造松逕幽數里
蒼雲闇有濤
作奔瀉無風若磨殿
中休得小亭

直上通危丁逶迤入寺門空王端坐儼先尋宋畫壁名
手所模範苦遭俗流巧筆墨久黯黹遂登清快堂不見
寒泉濫名因坡詩題無實亦首領緇流遇搢紳檀施習
卑諂寺僧半力田脫粟恣飽噉稍近淳樸風竹牀設莞
簟茶筍山中味供客豈云儉導升東南臺一望平如毯
洞庭在几席雲水光閃閃佛髻隱雙髻漁船明數點倚
令波濤飛直恐屏榻撼層椒景正好腰脚多忌險坡陀
入蒙密犂确類關陝幽篁不見天綠淨無瑕玷撥雲衣
欲溼避石身聊貶其西白雀菴孤塚小於膽云有比丘
尼據碑文云名道積字總持梁大同間人有自雀
聽經故亦名白雀寺與蘇詩注云童子者小異修行
悟頓漸於此誦法華禽羽知相感身葬碧玲瓏舌抽青

菌菴至今崇像設枯瘦異粉臉香火走村娘膜拜嗟何
敢下有雙碧池天然出重坎濁者降蠅蝸清者浮激灩
蘇公手書字刻石新斬斬雖有小龍團茲味孰能喊朋
從或扶肩羣息或憑檻或攜地志書不必懷鉛槧故蹟
猶可搜奇勝罔不攬畫本得隆窰詩情妙增減閑禽鳴
磔磔弱柳搖冉冉出門顧松龕已被暮雲掩歸途曲澗
流琴筑聲何忝酒家颺青旗一店依厓隳吾生本好遊
有景足寧斂但得勤秉燭去官復何憾終恨俗累牽未
獲竊嶽巘矯首望道場怒焉中心歎

三月三日自湖州赴松江舟中作二首

我肩負青山清遊屏塵事吟詩送物華佳節況連值鮮

風何泠泠吹我布帆利駱駝橋下水似有流連意自我
來吳興未受一塵地空憐羊蹄踏詎免豬肝累不如耕
硯田束薪自煮字食力畜妻子黽勉敢告瘁飢驅亦何
有得路卽非蹟此生本羈旅何處不堪寄

蘆墟三白蕩無風亦起浪

諺語
如此

溯湖夏浩漸兼值桃花

漲乃知天下水於此作府藏漾漾浮雲天富媪甘與讓
孤舟渺一粟四顧安所傍游魚樂深沈飛鷺迷背向天
馬遶郭山浮圖卓鍼樣遙知近五茸頻啓船牕望此路
通海門素不設隄防潮來篙暫停潮去櫂從放

初至雲間書院院爲楊裴山侍御守郡時所建

次章卽以寄懷二首

居官媿素尸還家苦幽獨敢以不材身過享無事福躬
耕旣不能行賈非所欲天地一長物日飽農夫粟昔人
仕宦歸授業教黨塾今之書院設朝紳作退局此風稍
近古本分無寵辱儼處賓師位似領宮觀祿典刑傳鵠
湖規約存嶽麓大賢不世出文具徒徵逐我雖官在朝
迂拙好誦讀耳曾洗箏琶眼未眩紅綠此邦富才彥峯
泖秀靈毓光匪乏圭璧種不雜稂穀試聽斷斷辭所媿
僂僂腹問道豈猶龍談經詎折鹿文章特小技器識貴
遠俗但以行墨較此意失敦勗忝叨一日長遇事勤樂
育冒徒獵俸錢區區救饘粥

儒宮落華屋夫子去關西空令鼓篋輩景仰長嗟咨

院垂

成而君旋擢
目涼觀察

石室祠高朕書臺傷陸機規模但粗具既
稟防虛糜從來舉大事創紹須相維後來更何人風流
定不隳憶與君別年歲星在攝提曩時清華秩步武相
追隨一從畫輜出落月思光儀儒生經濟略究不同常
規美政不勝書可以一節推去思畱萬口豈獨諸縫韋
當途採虛譽幣聘至荆扉不得君爲主要亦分餘輝弦
誦聲琅琅想君時念之成勞不可沒感歎紀以詩

送婁邑令鞠谿

寧貴

之涇縣任時以迴避去婁

邑人戀之作詩六章畱別和之者不下數百人

余亦次韻

離情無可說薄酒一杯中傾蓋交如舊臨歧語易工仕

原行所學治克繼而翁尊甫曾任永定河道有名畿輔送別詩千首難形撫字裏

婁江夏宰百賢否下民諳政猛虎猶善官清茶亦甘訟庭苔篆碧膏雨黍苗涵截鐙徒文具閒聽野老談

襦袴非難辨君來一載多清吟仍不廢舊雨日相過無計扳雙鳥空勞慕五紵余詞寧溢美聞見就如何

規條傳鹿洞振舉以人存童子科宜重春秋傳要溫教能培善類詩獨埽羣言繆忝臯比席憑誰仔細論君於書院

諸生加意培植遇童子試則以春秋命詩題俾各留心講肄

合以陽爲字學發著意周王疑妻不辱韋逞母何憂經訓爭先睹饗餼且代謀一端賅百舉無告總優游婦婦某守

節入年父兄以乏食欲奪志君捐貲為久安計節母褚張氏著易道入門四卷君為序而梓之撫教其孤雲鵬

至

泉水何妨酌貪廉只在人畫圖求故事直道見斯民

臨君

行有鄉民工畫者繪吳隱之酌泉圖并著說以獻

絕少纏腰物長畱有脚春似

余纔客耳分手黯前津

同春谷叔門人孟玉亭

承茂

遊佗山遂過王氏

園林

九峯如九疑面面看山色佗山九峯一雙嶺若離即孤

塔有意招獨立蒼巖隙扁舟任所往未到已先識扶筇

上山腰蒼簑密於簣攜筐劬蘭筍

山產筍有蘭香故名

滿把幾錢

直菜花萬頃黃麥穎千畦碧太平洵有象金寶遍阡陌

衲衫鬪橫縱方罽出界畫環迴澗溪流返矚窮目力茲
山本荒寂高士或扶屐市棚架錯雜脂粉腕狼藉皆因
王氏園句引集綵鷁我亦高興發相隨踏碣磳入門循
修廊詩畫滿牆壁問此誰所爲半出閨秀蹟平池新淥
漲倒影樓臺積游魚見客驚逃竄波聲割水濱一行竹
山坳一房石室中所貯則各各肖其式迤南稍幽遠曲
磴通崩旁嵌空欲飛動拾級盡險仄閒庭饒卉木名種
四方擇辛夷倏已闌牡丹尙未坼虬龍舞鱗爪夭矯古
杉柏倘非喬樾深園亦減色澤繚垣勢往復祗室態婉
孌就中皆山閣奔轡勝尤特嶽峯排闥來坐臥便可得
平疇高下景軒豁無遁匿林亭難在舊粉本溯曩昔閣

中橫榜存傳自眉公關昔爲處士家今爲翰林宅

荔亭錫奎

但較東觀書邪顧北山檄賢翁挂冠久夙抱煙霞癖怪

百次第堆奇葩親手植分疏草木譜妙選笙歌籍教成

琴瑟自按涼州笛釵鈿十二行隱見紗牕隔桃花流

水漫漫向武陵覓

室有額顏小桃源中專貯文史筆墨故戲云

尚有僮導途

惜少酒畱客一笑謝山靈回船燒筍食

玉亭邀至青浦卽夕迴櫂不得一訪孔宅

澤國煙嵐信未多九峯一覽了嵯峨繡塍全簇鴉黃菜

畫漿平添鴨綠波角枕夢回潮正落寺門鐘動客初過

頗聞絲竹畱遺壁欲聽餘聲柰渺何

簡田兄來盛稱葆光花事之美次日支寅叔書

至言花時爲風雨所妒然攜尊分韻者殆無虛
日猶見吾鄉好事之風余別花十年竟不得一
見不勝感歎而作是詩

江南花事知多少開到牡丹芳信了吾家夙與花有緣
三百年來枝榦老別花忽忽逾十春思花不見心煩惱
關山阻隔無奈何咫尺相對寧須禱今年花開特繁盛
似亦喜我歸田早豈期飄泊在茸城仍遣他人雙眼飽
提壺挈榼費酒錢翦燭擎牋鬪才藻略仿王猷看竹例
款扉不慮東君擾猶嫌賞翫興未足歎息連朝風雨媚
難兄豔述甚誇張癡叔寄書更傾倒雨中花態我能說
一似楊妃初出澡豐肌弱骨不勝扶宿酒潮痕猶帶卯

飛廉屏翳亦有情不忍主人獨枯槁故令箕畢下取將
速卷穠姿還畀昊殘紅任使著酥煎落片不惜呼僮婦
殷勤莫唱金縷衣準備明年香醞好

鋤菜辭爲錢栗頤上舍

慎

題照五首

鋤菜東阡上菜稀未可食非種則必除夫何殊力穡
鋤菜西陌頭煙苗日夜長土鬆根漸肥糞足葉齊仰
鋤菜南隴閒採摘風露寬朝披碧霞帔暮抱青琅玕
鋤菜北畦側薑心抽嫩甲何處忽飛來無數黃蝴蝶
鋤菜復鋤菜菜熟無租稅莫遣何曾知此中有至味

愁霖行

此雨不耐愁人聽疎疎密密檐前聲我今無愁亦無恨

聽之猶覺難爲情東南澤國水氣易致雨造物初不司
權衡計我歸來一百五十日自冬徂夏天氣常陰凝峨
峨雪片大於席霏霏雨脚長於繩吾聞黔中謠天無三
日晴誰移漏天來覆吳越地占驗不待甲與庚時而浙
瀝作絲散時而澎湃翻盆傾時而月皎陣仍布時而日
出黴自零鵲鳩如鬼號深林蝸牛滿壁汙涎腥豈惟遊
人阻蠟屐已悲花事收金鈴眼看二麥昂頭正結粒垂
芑折穗離披倒臥縱橫嗟余久盜太倉粟還家雖無
田可耕亦須持鉢乞食歌姬院所願年穀長豐登聽此
愁雨心忤營綠章夜奏飛天庭且令癡龍穩睡至三伏
十日五日惠我閩澤無畱停余惟飽喫長腰米飯相隨

田父野老擊壤歌太平

南屏僧心舟過訪

不到西湖又十年道人喜我竟歸田
三車未預靈山會一笠能衝谷水煙
滋味箇中同冷淡舊遊方外亦纏綿
早知解脫菩提縛無礙詩狂夏酒顛

偶成四絕句

巖隘居然屋宇深閉門何必不山林
無人踏破碧苔色盡日枝頭鳴一禽

樹石前庭正不多一卷磊砢抵巖阿
秋花閒課僮兒種倚竹依山指點他

櫻桃時節麥涼天未試生衣已卸綿
蘸筆抹風批月暇

竹牀容我盡

子忍切

高眠

孰爲傳舍孰吾廬殘帙焦琴位置餘我正雨牕懷舊雨

忽傳日下故人書

是日得沈肩峯舍人書

肄業生張花農

寶銘

雲間老宿也工詩年五十

餘無子屬訂所著牀山堂詩稿先以長篇見投

既爲點定題其集端二首

交誼曾從大阮論

與家春谷叔有舊時叔亦同來書院

漫將丹墨說淵源

飄蕭風骨華亭鶴蘊藉文心鄂渚蓀當局未能忘庾杲

生向曾遊幕

諸生誰敢齒何蕃不須奇字橫經問唱和時來

倒一尊

如此才華困一巾自饒詩卷莫憂貧閩山越水靈能助

素所遊歷地

春柳秋蘆句有神

集中新柳蘆花詩最佳

海底驪龍投片

甲

指見贈詩

霧中元豹現全身好教柏園還珍重畱待他年

式穀人

織雲樓詩合刻題辭爲琴柯舍人作二首

婦姑母女迭相推班管瑤箋傷鏡臺來是一門生各處

如何箇箇有詩才

周李兩太夫人及其姊氏淑君并室人陳秋穀

清辭麗句必爲鄰

杜句

氣類翻疑感召神莫向鷗波亭上

望風流只一管夫人

鞠谿調任安吳以候代滯畱兩月昕夕論文意

甚款洽瀕行再作詩送之

君家奚止十朱輪豈有飛黃不絕塵政績已堪循吏傳

世緣聊現宰官身
桃花潭上隨軒雨
蓴菜湖邊比屋春
一曲一回餘悵望
論心我更向何人

李寧園太守邀同雷峯太史胡晴溪兵曹鞠谿
明府宴集沈氏園亭三首

小築誇人巧柴門爲客開
樹藏山窈窕堂跨水潏洄
峯迎收全覽壺觴得勝陪
翻疑攢簇處無地起樓臺

到郡席不暖民知太守勞
拊循無版築迎送有旌旄

海塘甫畢工君蒞任次
愛客關天性儉閒及我曹
行厨

豐饌飲連日醉香醪

昨日方飲郡齋

令尹行飛舄仙郎去握蘭

晴溪服闋赴補

偶來萬里客併作一

朝歡出處塗從異情懷話未闌
長筵休跋燭水檻有風

湍

鞠谿邀同雷峯重遊柰山王氏園

主客無定形合離有前數吳興與吳淞我皆寓公寓一

客萬里回

雷峯將返蜀

一客千里去

鞠谿將之涇邑

天留湖山主儼

然讓我作仙鳬尙迴翔旅雁且攀附兩年婁江宰未入

九峯路山靈亦悵望願與神君遇誰能致陳遵況復得

徐孺陵晨送鼓楫導引一雙鷺久雨忽放晴難美竟并

具浮圖卓翠鬟隱約認蒼霧余君顧我笑似識舊已屢

亭亭皆山間眾景所攢聚不見種桃人但見桃花樹

園主

年逾六十已挾眷赴京矣

僮奴稍解事啓鐫延客步略異武陵溪漁

父覓前渡青山尙有幸不自埋修禪得邀我輩奉同賞

清幽趣明朝一揮手後會知何處回舟各盡觴惜此水
光暮

旬日以來方潭雷峯秋漁踵至皆主於我晴溪
亦自常來銜杯話舊極一時賓友之樂紀詩一
章卽送晴溪北上

絕憐三峽未歸人能向吳淞作主賓難得朋儔皆早退
轉疑會合太無因枇杷子熟堆盤爛苜蓿苗酸入筯新
一送含香郎署客始知昨歲已收身

余將至吳興取眷雷峯邀同紆道遊吳門夢樓
畱飲出家伶演劇卽席得二絕句

天風吹下步虛聲

舊

似挾凡胎到上清欲向丹邱談道

妙不辭飛檝闔閭城

一月前夢樓以擬楊風
步處詞二十章見寄

飄蕭鶴髮地行仙
肯爲賓朋輟管弦
但得疎狂常作達
此生何負不歸田

吳興舟中次雷峯韻

高躅吾能致豪情
子好遊已聯聽
雨榻復上載花舟
詩思盈三泖
春光在一樓
湖人倘傳說
二老亦風流

題吳興郡齋壁二首

同是吳興聽事中
彥瑜無恙惠明凶
憤王自具英雄色
不負蕭靈酒興濃

墨妙亭荒剩草萊
逍遙堂古亦摧頽
仲姬獨有流傳筆

雨葉風枝石繡苔

管夫人墨竹
二石刻猶存

遊夾山漾遂繞前山尋道場橋礙不得進還登
峴山薄暮乃返同遊者爲琴柯栗頤四首

平生麋鹿姿言遊已飛興天公爲遊人積雨收陰暝城
門如放闌浩瀾洪流橫行過驛西橋盤渦勢方定煙鬟
倚水郭棹入夾山徑果然長房壺別有天地勝山如曲
畫屏水似大圓鏡遠皴夢未覺近黛妝初靚好風面而
來蕩漾只孤榜空明照睂宇肝鬲琉璃淨誰能結茅屋
無事樂幽屏除是張志和此閒住方稱

他山無不好却數道場最一樹一浮圖雙標出象外軒
然此峯頂曲盡招搖態舟行輒在前歷歷相其背誰能
賞美麗但讀周昉畫不如轉前山對面親睂黛榜人方

唱歌杖屨勇逾倍得非山靈怪故遣平橋礙庭桂尙有
無畫竹今安在坡公不可作清句諒難再得遊事固佳
止亦興未敗刻溪雪中船何必夏見戴

亭亭紅泥塔卓立水中央漾漾碧浪湖拍浮天一方峴
山壓城角松檜何蒼蒼中有窪尊亭上有逸老堂頽垣
縈蔓草躑躅來牛羊湖人不好事名蹟半已荒人工乏
點綴天趣難埋藏譬如絕世姝對鏡施曉妝光輝四映
射初日開扶桑亂頭與粗服寧能醜施嬌所嗟登臨客
歲月不可常下山默自感毋爲說襄陽

山川固清遠時會亦偶值人言早乾時頗覺陂湖窄轉
因霖雨盛積此一片白人在冰鏡中山繞玉壺側畫圖

或未到耳目矜創獲農夫憂冒田居民愁沒宅我爲登
眺計獨喜鍾藪澤斯言近不仁輾轉媿已溺人生本旅
寄知著幾兩屐所喜一日遊不負半年客君輩如二王
從東坡遊峴山者
王子立兄弟也各抱溫潤德相從關宿緣後會可再
得

去湖州兼別雷紹堂太守二首

我非吳興人忽作苕溪客往來閱半年畱此鴻泥迹窮
鳥思舊林疲馬辭故櫪本無蘇季田未卜子雲宅艱難
投此地自笑生理窄十口寄一廛算縉歲授直惡囂偏
近市臨水夏通驛冠蓋路必經猿鹿性非擇辱蒙當事
聘開講五茸席華屋處腐儒渠渠涼燠適欲免內顧憂

那惜提攜力婉孌卞山陰浩瀚湖側洵美非吾土流
轉亦何益細人無遠慮且塞目前責時來曾有遣事去
不可極柰何昂藏軀但爲妻子役

使君本世交風流繼顏謝欲開六客堂顏垣塞茅罅貯
囊無俸錢愛客有酒鬻我至卽倒屣不待休沐暇況逢
步兵來瀟灑竹林下

謂令叔雷峯

乃知故舊味妙境如噉蔗

羈人聽雪水自冬忽徂夏每遇風雪辰必遣肩輿返流

連或永朝謹呼竟徹夜何殊接葉亭燈火昔同舍

己丑壬辰

之間與雷峯叔姪同官翰林同寓接葉亭

寧免閔貢累兼值戴良嫁

春間於吳興嫁

女人知太守賓不敢屋山跨昨宵叨祖餞清醕倒如瀉

牽衣苦挽畱久聚翻疑乍人生離合緣命定難假借令

叔好遨遊行當歸黑華我其盡室行出沒五湖汭薦書

達

皇都子亦勤遠駕

時君方膺卓薦將入都

途中書所見

一年生計半在蠶已看蠶薄無絲縑三春花息全在麥
又歎家藏無飯石農夫插秧秧初齊庶盼秋來穫割時
雨師號令太乖迕愁霖連月長淒淒旱時車水田溝入
今自田溝車水出昨日車盡今日盈天公仍是未開晴
高田候見禾頭沒下田占水通船筏溪湖漲勢日日高
掘泥築堰敢言勞水衝泥薄堰又塌立枉田中相向泣
此時有種已蹉跎若井無苗可奈何泥行露宿勤守護
晝夜號天天不顧噫嘻乎我雖無田食稅租對此焦急

猶剝膚彼蒼仁愛似慈母今之人兮何罪辜倘停石燕
翔金烏爾農少憩休長吁

泛泖二首

泖口揚舲入三吳澤所鍾暗潮通溟渤白日靜魚龍樓
閣疑仙島鳬鷺近客蹤千山何處是依約現芙蓉

峯塔標方向

泖有洲有潮音閣間
有塔望之若金山然

相從路不差孤舟

難罨岸今日果浮家入夜明漁火連天捲浪花風波吾
已脫到此轉興嗟

悅親樓詩集卷二十四

辛亥下

海寧祝德麟止堂

古今體詩七十八首

喜妻弟李五解元自常熟至聽其彈琴

澤國霖雨初過梅六月炎赫同燔煨人皆苦熱自裹足
我亦畏客裁冠來忽然一士如瘦鶴昂昂踏破當階苔
抱琴揖我若有得神志閒暇眉宇開古錦囊底自解縛
蛇紋剝裂疑蜀雷調弦轉軸商角協觸擺按抑細復恢
云是羽化登仙曲得此指法固不賅風漪蕩漾銀燈亂
冰柱拉扯鐵騎摧漸聞巴峽猿叫苦更聽澗壑泉聲哀
坐我含露之玉壺立我迎風之蘭臺高堂頓欲無燠漉

悅親樓集卷二十四

平地翻似移崔嵬我心和平躁氣釋寧復熾微生寒灰
聽此嗒然漸隱几不覺內外忘形骸勸君收琴共舉杯
此中妙理還詳推第五驃騎名最盛鳳鷄驥子非凡胎
龍門孤幹聳百尺清逸豈是桐孫材鹿鳴舉首近十載
娉婷獨守誰爲媒箏琶靡曼逐時好五弦挂壁徒塵煤
我有雙耳未省識世上知音安在哉燒天赤地定奚適
不如繫纜聊徘徊明朝再請鼓一曲大海潮聲指上迴

次韻答心舟上人

飲水寒溫只自知飛蛾出蠶已成絲略餘抹月批風事
憑說烹茶煮筍時心本師讓山每邀名流爲燒筍之會
余猶及與故來詩云筍燒折腳鐺邊
日茶熟穿心罐裏時回首道場都緬邈同心韻語少參
屈指蓋三十餘年矣

差心去後余用田字韻作詩未寄逾月心寄二章
來其一章亦用田字韻詞義髣髴大奇大奇
煙樹分明待誰與山僧對把卮

湖州信使寄書紹堂太守戲附一絕

曾向深林穩借枝寓公去後有餘思
算來一事還堪恨不爲樊川設水嬉

題馮鑑之

正史

小影

馮得元四家所跋吳梅菴畫竹畫已失因命時手補

之畫已像于中而置跋于幀首四家者張伯雨揭是幀倪雲林及黃尚書也

跋原緣畫作畫去跋猶珍爲補質簪影因安邱壑身古
香餘玉踐晚節抵蒼筠翻遣梅菴喜廚空或有神

題花農閒徑望益圖用江文通擬陶韻

修竹環里門幽泉通巷陌酌酒旣自得抱琴復奚適初

心齋村集 卷二十一
陽晞露晨纖月流花夕永懷羊求蹤望望柴荆隙道合
形不睽神交意爲役良農並耦耕勤女同燈績彼美庶
能來析疑還集益

題張鶴霄隆孫載菊圖

安仁愛春花淵明愛秋菊同爲真嗜好等是閒草木望
塵拜不恥折腰見猶辱乃知寓物情操行早可卜人門
清河張匹敵平原陸衣冠夏文藻司寇遺芳馥華姿濯
紈綺淡味出梁肉邇來好尤僻欲繼柴桑躅東籬種類
蕃采擷意未足滿船載風露搜訪到郊牧待爾栽種成
足音聽空谷花前共一觴家釀定應熟

六月三十日大風雨庭前玉蘭枝葉半摧感賦

雕刻琅玕萬片青
炎天垂蔭滿中庭
不如風雨先摧落
省得秋來葉葉零

送雷峯還蜀

人生骨肉親一室
有聚散何況萬里遙
吳蜀本異貫憶
與君訂交悲歡略
參半其中至樂境
南北共昏旦耕心
小齋頭接葉古亭
畔高堂多敘順盛
年足把玩當時一
往意駿發不可絆
亦豈無別離重逢
非汗漫自君侍養
歸出處路從判各
廢王袁詩互設徐
孺輿遂令少壯志
無一酬所願萬事
盡蹉跎遑復論仕
宦萍蹤偶相值十
年纔一面人壽不
滿百鴻爪經幾換
高躅甘隱淪餘生
邁憂患懷恐成永
訣安望作老伴子
來本無端我歸非

意算不期吳興郡天與良緣便謀生會有役浮家涉泖
澱乖隔遠近同苕溪卽閣棧還山雲已嬾出谷鳥知倦
迢迢指夔峽歷歷溯江漢容顏盡衰醜鬢髮星星變平
生幾度別此別尤堪歎明知後會難且說再相見來生
未了因定結幾重案贈君無金帛送君無羽翰欲作別
君詩下筆腸先繡途長難計程人老易爲善各保社櫟
年努力加餐飯

送琴柯舍人北上兼寄都中故人四首

多君貴公子韋布氣何深下筆開陳境治生用苦心前
年銜恤返適我卸裝尋風雪柴門外朝朝聽足音
移家靈潦裏小別在吳興地窄水猶奪天高船欲升生

涯真可笑世路果難憑渺渺澄江權懸知念季鷹

五月間余

往湖州取眷通值大水甥亦赴江陰書院先一日別去

西風吹汶水送上木蘭舟已作暮年別況經江國秋薇垣輪綵筆樞院佇良籌親串頻多故期君出一頭自占吳淞釣鬢眉一散人流連無事飲歌詠太平春食力差安穩浮家慣苦辛知交如見憶切莫話沈淪

延恩道院觀鐵樹花

曾聞仙人種琪樹不見塵世開鐵花人生壽命若朝露

海枯石爛將何涯

諺有鐵樹花開石曰爛之語

五茸城外延恩院奔

走衣冠集釵釧爲傳詫事鐵花開余亦隨行

音杭覓奇觀

戰風獵獵初難認觸手棱棱不敢近本似櫻欄少側生

葉如葦莢能知閨中心湧出尺柄麤一重一累無萼附
銷鎔黃蠟作椽燭爔積綵爛成浮圖百花所貴色與
茲獨兀立百鍊剛鐵本無情安有態合伴廣平疾惡腸
羽流愛護如金寶但祝長生勿枯槁好憑道力守庚申

莫信流年說丁卯

指揮殷貫家有此樹遇丁卯年則開花見七修類稿

寄書秋帆制府走筆附呈二律近於夢樓處及
隨園詩話中讀制府詩甚多皆昔所未見也欽
服之意次章及之

恰挂征帆賦遂初十流銀鋌一封書

去秋出都臨發前一日公遣信至

禍衡雖未依劉表須賈終能哀范雎自分菲材難報稱
得歸茅屋當遷除雲霄倘念菰蘆友三泖浮家任所如

公是封疆老大臣千秋勲業已超倫近來徧讀篇章好
句法能爭鮑庾新世事惟詩猶破戒此身離影更誰親
憑將萬丈光芒斂讓與吟風弄月人

漳蘭盛開遲夢樓不至

美人秋水結相思正是幽蘭吐萼時謝覽體中無雜氣
羅含宅裏有芳姿倘稱善室應慚我若論同心更屬誰
起繞空廊間落葉錯疑屐響到堦墀

送別

記得青衫綠鬢時每臨歧路涕雙垂而今老去渾無泪
不爲人間灑別離

盆蘭未殘庭桂初發偶成二絕

蕙花開過桂花芳
箭賸殷紅粟綴黃
鼻觀不生分別性
眾香國裏一身藏

年年京國動相思
爲與幽人臭味宜
偶得一枝如拱璧
而今雙眼飽看時

中秋看月

第一回看江上月
去年今夕亦中秋
瑞光騰湧開王會
餘魄低徊送客舟

去歲中秋祝
禮成正擬解維矣

釐夢裏未忘雙

闕迴眼中突見九峯浮
祇應萬頃溶溶景流入花溪寄

我愁

花溪余
故里也

雙桂

庭前雙桂樹
枝葉何繽紛
東西各森立
勢若無卑尊
晨

興坐硯北撲撲來芳芬鼻觀不任受但覺善氣溫舉頭
一樹發恰應中秋辰地上布金粟天邊懸玉輪木性少
參差一盛識百繁豈知尺寸地氣候迴不均一株亦振
秀雀爪桎閒攢繞樹日簡察未見顆粒勻似憐幽人寂
欲教次第聞待其花滿枝相隔已浹旬遲開終晚落先
發亦早殘乃悟人間世通塞難概論我昔本未通今何
塞可云聊參晦堂語莫誦淮南文

吳江秀才郭

麀

以所著詩詞來謁題贈二首

巾卷叢中竟有君絕無半面辱論文溥溥秋曉花頭露
靄靄春空嶺上雲已向蘭苕看翡翠莫將顰睨抵元纁
鍾山弟子倉山客衣鉢從來故不羣

秀才嘗受業於袁簡齋姚姬傳二公

時姚主鑑

山講席

擺落塵埃透骨清豈徒風格賞傾城看殘筵澤雲帆影

吟遍秦淮水調聲貧裏自貪真快活人閒却忌太聰明

漁洋一代推宗匠難謝千秋伯業評

世之論新城者毀譽皆失實近見隨

園詩話評論最得其平秀才宗法在此故妄及之

附和作

郭 磨

當年意氣早空羣九萬里風五色雲人道畱侯如處
女我知李廣是將軍蛾眉班有讒言眾猿臂封無尺
土分畢竟天心念才子投公閑地託斯文

吳儂落拓未成名只向江湖載酒行三泖之間經再
至九峯而外一先生暮年手筆波濤老山長頭銜冰

雪清多媿題詩遠相許憐才沈范不勝情

雨中鶴霄招集賦清草堂賞桂

招尋不厭屐頻過叢桂花生曲欄阿座上酒香添郁淑
雨中月影寫婆娑故家喬木知無恙明日新詩較孰多
可惜流光今歲晚未曾同此賞金波

時八月晦日

閱隨園詩話題後六首

折劍殘槍白洗磨零金碎粉費搜羅直同千佛名經看
好句流傳不在多

宏獎風流雅意深更從廣大識婆心色絲信手拈來雜
還度鴛鴦繡了鍼

三代而還盡好名達官偏愛博詩聲望山才調弇山筆

直得先生一品評

老去翻爲汗漫遊
名山到處足句畱
逢迎東道非無謂
只要倉山隻字收

宋桷應歸大匠尊
香閨何事且推袁
絳紗我亦開經帳
不見紅妝有及門

憐才容易著書難
紅粉飄零白骨寒
贏得賈胡囊錦在
美人佳士一齊看

院中桂樹四五株
先後作花清香匝
月爲賦四絕句

修罷吳剛七寶輪
廣寒分得一枝新
未知兜率天何處
金粟如來見在因

開落參差斷復連
醲芬鬱鬱意絲絲
昨宵風雨相欺得
已到重陽看菊天

低偎石髮傍松陰
玉瀝紅螺手自斟
莫道先生非富貴
著書城裏萬黃金

消受溫磨匝月餘
紛紛黃雪砌前鋪
不辭作醬同梅子

勝就埋香土一區

家人以花曝乾與梅實同貯
以錫飴謂之梅醬食之芳烈異常

辛亥九日二首

脚底無萬山匡居終不快
臥遊斗室中那識乾坤大
淞江水爲國環境少蒼翠
九峯一覽盡屐齒壁閒挂
今朝是何朝重九名可愛
空思佩萸囊猶自親書帶
當年嬰世網未卜此身退
及今旣歸田仍欠登高債
少壯願未

酬居然成嬾廢余初入都九日詩云從今併算登高債待到歸時踏萬山迄今幾三十年矣
婦藏倘有酒破悶聊一醉

登臨有何好腰脚莫輕闕從來陟山人孰與山俱壽不
如閉柴扉領略秋容瘦獨慙東籬下欲摘無芳臭故人
居長水名園蔚深秀從梅看到菊百卉罕遺漏忽念幽
棲子急遣芳信走金陀園主人殷岸門自禾中送菊二十盆至今年節令遲
蓓蕾小於豆却瞻叢桂樹滿身花未繡不信是重陽此
理待推究

重陽後二日偕春谷叔登橫雲山從遊者爲張

花農王春野蔚宗沈廣田夢松葉甥笠人紹本

橫雲如雲斷復連橫雲出雲往復還是山是雲杳莫辨

但見修篁古木森參天癡龍出海亦受制垂頭帖尾安

然眠似峯非峯嶺非嶺欲起仍伏無由鞭昨逢佳節未

扶屐及此嘯侶來躋攀賈勇雖乏濟勝具山小那不窮

其顛平疇萬頃紅穠極遠岫數點青巔阮公千諸峯在望湖光

一線林外白三洲杯底流涓涓宿雲庵深處最踞勝懸

厓絕礪相鉤聯何年巨斧劈山骨水落尙有聲潺湲含

清草堂荷沼上背負峭壁環明珥軒牕四面啓洞達遠

景近勢收目前張華王儉全盛日結構競勝東西偏西

西廬卽張文敏公義莊也京則王司農山莊曾集羣彥修明史稿於此兩家祠墓各依巖麓義莊干

畝周族黨丙舍一區傷墓田風流文采互照輝泉石花

木增嬋娟君子之澤未五世垣頽甕斲委草菅修史椽

燭久灰燼題詩粉壁將圯

西廬壞牆文敏手祇餘巖書五言一絕尚存

壑尚依舊園丁指點遊人歎我生四十九重九脚底曾
踏千峯巒昔經遼秦及閩蜀常苦駟馬霜蹄穿山多厭
山羨平地山少思山慕一卷偶然乘興縱幽討何暇寄
慨前人園不見山根雲鷺寺桂堂菊圃樓空禪人門自
古有興替爭及老衲長安僂

下山至雲鷺精舍小憩花木蕃盛

傾觴倒

榼永今夕歸途皓魄載滿船藏修游息皆學耳明朝火
急徵詩篇

歸舟卽事

疎林漸羃晚煙青袞袞寒潮去不停逆水白魚跳玉尺
待霜紅葉醉香醺人情都爲豐年喜漁唱偏宜月夜聽

無限秋光憑領取半於荻港半松屏

買棹還花溪至洙涇風雨大作

十旬不出戶鼓楫暫還鄉潮勢吞申浦風聲挾魏塘愁
依燈黯黯臥聽雨浪浪桑本重添纜艱危且自防

晚度南湖望煙雨樓不得登

真如塔前斜日微月波樓下暮鴉歸菱歌漸近市聲遠
棹入南湖衝夕霏茫茫一片湖光白煙水空濛濛無迹
青林紅樹隔沙汀似與寥天分界畫漁燈幾點細欲無
蕩搖波底明於珠鴛鴦睡穩忽驚起背船拍拍穿菰蒲
湖心岌嶮瓊樓壓曲檻疎簾何復疊題詩當日偶憑闌
選勝有人同挈榼萍蹤來往本無常畫舫夷猶夜未央

何處玉簫初入破喚人清夢過迴塘

十月一日龍山埽墓會諸族人

宦遊越廿載踰躋還鄉閭昔年誓墓志噉日幸勿渝氣
鬱竹柏茂秋高霜露濡肩隨諸族黨展謁龍山隅吾家
述祖德發迹此權輿蟬聯三百年說禮敦詩書春秋修
祭祀列俎陳清醑豚肩不掩豆禮意則未虛闕人以成
世迫促不少徐少時拜跪地班末謹步趨誰期漸推上
序次超階除前瞻但落落后望何魚魚名字固未識面
目亦模糊由其父兄似試以行輩呼應聲率不爽轉疑
老眼殊出門日以久同姓日以疎早知萬事錯悔不逐
粉榆逡巡更十稔陳迹知何如

次日謁先參政鄉賢祠登神遊閣遂遍遊諸寺院

山好不在高坡陀亦婉變神龍翔海水吞吐出枝幹飛

騰忽入雲掉弄一尾見但於蒼簷竹剩此鱗甲片

山名龍里

亦曰龍尾產竹往往似龍鱗

西麓有佛寺東顛有道院先塋宅其間

氣象得壯觀祠堂儼像設供奉肅帷幔有齋額蘋蘩恰

逢秋祭薦神遊緬高閣縹緲陵絕礪昔年讀書地燈火

記青粲

余幼時讀書於此

憑闌重展眺三面景畢獻橫拖一水

羅平截千峯案天風吹海氣似與人煙亂鱗鱗枕萬室

寂落小於彈信步造琳宮斷香閉深殿枯僧瘦如腊禪

誦消盞飯黃冠事城隍

院爲城隍行臺

生理未可賤二頃雲爲

巢一雙鶴作伴塵勞三十年所歷境皆幻長生長不死
公案請判斷

五十自訟

恩恩忽屈杖家年此後風光暗自憐身已退閑貧有味
集非割愛句難傳受恩最覺

君親負幹蠱還期子姓賢細數平生無可述底須覩縷

說從前

近世士大夫每遇初度則以十年所閱歷形諸篇詠不厭累牘亦是習氣故作自訟詩云

初寒

始衰年已屆閭里且優游眼覺溪山好心悲歲月適頓
增裘褐氣難作稻粱謀日暮呼閑友攜錢上酒樓

別家

遠海千年鶴松江九月鱸到家翻是客辭宦近乎愚履
虎存明戒雕蟲媿壯夫閑身收拾得三徑尙荒蕪

陳岸亭宰蕪湖於所部買民閒廢園構畱春館
諸勝賦詩十二章寄示勉和四首以答其意

湖名鄉國似

地名鏡湖岸亭越人

舊館闢榛蕪吳楚分襟帶江山

展畫圖旣同部民樂兼奉老親娛寧比風塵吏紛紛給
傳厨

此日彈琴地當年賣酒樓

注見本事

釣魚供客鱸放鵠作詩

郵雨過林花發雲開嵐翠浮畱春春不去吟興那能休

觴詠多閑暇山川得秀靈手搏雲海小

壘阜爲小黃心山見後詩

逐塞鴻冥

君書來每有謝事之意

有約來鄉侶無辭到訟庭莫將

官長看鷗鷺其忘形

千里徵詩急連旬再啓緘煙霞憑句拓風月想杯銜老子興非淺使君致不凡相從吾有意安得借江帆

寄題西池十二景詩爲岸亭作

北郭春光

東風昨夜來北郭絢紅紫使君正班春春在農歌裏

鏡湖秋月

遙憐鏡湖人不隔鏡湖月官居卽蓬萊何必戀於越

范蘿紅葉

霜意全欺綠林容半染紅赭山渾不辨一色夕陽中

赭岫晴嵐

嵐光日夕浮不見蒼翠色既移大黃山合名小赤壁

羣山積雪

近峯眉暈失遠岫玉光明
褰幌望松雪冰壺相映清

古寺鳴鐘

僧歸擔白雲鳥去絕蒼靄
忽聽一聲鐘悠揚山林外

周墩遠眺

湖心亭子上極目覽全湖
荇藻翻魚鳥帆檣劃楚吳

福田觀魚

福田庵外潭觀魚使君喜
民亦無菜色魚亦無頽尾

小黃壘翠

學山至於山天鄣割崑崙
莫啗芥子微袖中有雲海

來佛看荷

爲愛亭亭節環池遍種荷
訟庭無一事消受露香多

一房山色

誰將萬重山收拾一房供
耆闍崛非遙浩浩聽佛誦

畫舫留春

舊館延春色新隄夾鏡光
他時誦遺愛花柳盡甘棠

松江提督署中有西園八景陳樹齋軍門屬題

詩各賦一絕句

陸舫澄秋

轅門鼓角放衙餘
爭便牽船岸上居
棲泊安恬無險浪
偏心人至亦知虛

雙槵染露

連蜷雙影繚垣砌沐浴清華自在香分得一杯仙掌露
爲君特地占秋光

碧沼荷香

石甃方塘曲鑑開紅蕖千柄此中栽花之君子人君子
兩兩相於夏底猜

桐軒待月

暗中清露滴桐枝正是棲禽穩睡時坐久不知衣袂冷
冰輪欲上故遲遲

遺蹟墨妙

將軍好武亦能文大雅由來故不羣日對眉山松雪筆

此君真是此君君

用蘇句

筠廊挹翠

亭中妙墨腰支嫋

西亭石刻鳳竹一枝卽坡公遊道場何山回令官奴秉燭所畫者也又有

子昂雨廊外明玕粉澤鮮忽見青鸞搖翠尾風姿如畫

夏天然

南垣疊雪

華堂軒豁面南垣石丈居然一品尊怪底炎天無暑氣
尙餘積雪未消痕

蕉牕聽雨

一樣人間聽雨聲胸中欣戚迴殊情含毫細答玲瓏響
詩思今宵分外清

追題同年黃斗槎給諫遺照從其子堦請

同雲漠漠天宇合雪意初酣鴉陣急有人翠被秦復陶
下馬蒼茫成獨立憶君給事東掖垣瑣闥僂直連更番
露寒鵲鵲晨參近丹地青蒲夕拜煩驄蹄踏塵日馳逐
豈有閑情訪郊牧畫師寄意寫高寒要以冰霜表幽獨
卽今人琴已兩亡披圖玉立猶如生解劍心期幸不負
過車誓約那能忘君生前爲其子求昏於我未許歿後乃以女妻之同年百輩
半生死塵劫回頭一彈指剩有酸吟驢背人題詩老淚
還濡紙

岳氏銅爵歌

爵高五寸六分容四合重四百八十九銖中鑄精忠報國四字左側

有小印曰岳珂建造向藏桐鄉汪重家屋歿歸金德興

與君痛飲黃龍城背嵬所向功垂成皇天不欲宋恢復
勿令鼎食令鼎烹神如水泉罔不在金陀坊廟西湖塋
牲醴備具值伏臘豆籩奔走縣雲祔文孫當日製彝器
中有銅爵儕劍登思陵手書四大字精忠報國鐫爲銘
粵維嘉泰四年造滄桑再閱埋溝塋迄明晚葉掘地得
雙柱三足形模精回雷文繡土花紫茵苔瓣蝕蘚暈青
流轉桐鄉數易主神物顯晦疑有靈故都久已淪九鼎
麥飯誰復澆六陵惟王血食永不殄黃流清齊長芬馨
梧捲雖非口澤寄自宐告濯藏宗祊遠殊許田假鄭璧
近同顏巷歸趙觥

明許文穆所贈趙文毅兗觥向藏曲阜顏氏今趙氏裔孫以玉卮易得奔

於家廟

忠良之後率衰替苗裔未必多繩繩表忠觀有道

士守棲霞嶺之王孫承

余昔遊岳墳訪其後僅一瞽嫗出應終不知王之子孫至今存

否也摩挲禮器其太息杞宋文獻猶足徵作詩聊當送迎曲一卮奠酌神其聽

邱醒蘭給諫放櫂雲間枉過話舊作詩送其北

上并寄令弟芷房編修

去年別君長安道丹桂作花月皓皓巫奔醫走藥鑪溫
牀頭捉手傷懷抱今年逢君破楚門黃梅正熟雨昏昏
首邱反葬古所重麻衣未拭涕淚痕人生不死會相見
顏貌雖殊情不變歐蔡曾經共職司劉盧況復叨姻眷
憶昨比鄰賃屋時閉門聲息兩家知杜陵酒許乘牆過
桓典驄常借轡騎一從薄譴去烏府已散浮萍那復聚

孝子方興風木悲散人竟作江湖主韶華荏苒三年隔
邂逅茸城話疇昔明月灣頭雪欲飛橫雲嶺畔梅初坼
因君北上返朝簪一寄草廬芹曝心金爵觚稜重回首
釣天舊夢杳難尋深杯相對豈易得祝君健飯還京國
好語 青宮侍從人迴翔莫厭承明直

芷房侍直
上書房

登超果寺一覽樓

青虎金鰻說近誣

寺有此異
見郡志

直憑欄檻眺寒臚隔林天

影遙將盡滿郭人煙淡欲無落日城頭鳴鼓角朔風沙
面亂驚鳬騎鯨僂擬蓬萊去不作河東項曼都

雲閒度歲三首

腐儒歸計館爲家畱滯江城閱歲華鼎鼎百年驚過半

茫茫千古歎無涯浮生本是依檐雀客序難禁赴壑蛇
薄酒瘦羊紛餽送黔婁相較尙豪奢

南風暄暖日晴明

冬至後無雪多南風暄暖特甚

聽遍沿街爆竹聲兩

廡已空諸弟子中堂猶著一先生改爲立咏緇衣什特
設還叨醴酒情只恐青氈廩廩穀人文幾輩藉陶成
來及春風上巳期轉頭歲籥又將移貧無長物真除累
醉有餘歡偶詠詩中饋依然煩德曜諸孤不復念鍾離
寡妙孤甥亦來此瞻養客居未減圍園樂仍似朝班忝竊時

編詩二首

繁花徑合草茅鋤丹墨叢殘廿卷餘纔是陸游存稿日
恰當高通學詩初

悅親樓集 卷二十四
改罷長吟只自知春蠶且吐死前絲莫教醬醃猶嫌辱
欲去還畱下筆遲

悅親樓詩集卷二十四終

門人施有容校字